



Future-proofing our children

Tlhomamiso 1

Setlhogo: Thapelo – Thapelo ya Morena

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo **Thapelo** thuto ya Tlhomamiso 1.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e::

Kgato	Tiriso
1	<p>Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp:</p> <p>https://bit.ly/3NACSSH5</p>
2	<p>Kgobokanya di dirisiwa tse di latelang go netefatsa fa o ipaakanyeditse thuto e:</p> <ul style="list-style-type: none"> • Baebele • Mokwalo wa thuto wa PDF o o setseng o baakantswe. • Pena le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang mo batlhomamisiweng) <p>Ela tlhoko:</p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tsewedisa lenaneo.</p> <p>2.2: Ka tswe-tswa dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45.</i></p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3	<p>Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.</p>



Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswelera ka go abalana maele a go ipaakanya le go ruta thuto e:

Kgato	Tiriso
4	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo tafoleng.
5	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6	Kwala dintlha tse o batlang go di gakologelwa.
7	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8	Ruta ngwana wa gago thuto.
9	Supegetsa ngwana wa gago setshwantso sa motshikinyego mme o soboke molaetsa.
10	Laela ngwana go dira tekeletso e mo lokwalong la gagwe la ikatiso (Le nna ke batla go.....)
11	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng

4. Itshwaraaganye le mogokaganyi wa sekolo sa tshipi kana morutabana wa Batlhomamisiwa 1 go go fa kitso e nngwe.





Thuto

Setlhogo	Thapelo
Maikaelelo a thuto	Batlhomamisiwa ba ithuta mafoko le gore Thapelo ya Morena ya reng (Thapelo y aga Jeso)
Lekwalo la Baebele	Mathaio 6:9-13

Tshoboko ya Thuto:

Gona le dithapelo tse di farologanyeng. Tsatsi jeno re lebelela Thapelo e Morena Jeso a e rutileng barutwana ba gagwe: “Thapelo ya Morena” E e itsegeng gape jaaka “Rraarona.”

Re rapela Thapelo ya Morena leng?

- Ke Thapelo e re e rapelang pele ga boitshwarelo jwa dibe.
- Se ga se reye gore ke yone nako fela e re ka e rapelang.
- O ka rapela Thapelo ya Morena nako nngwe le nngwe.

Ke ka go reng re rapela Thapelo ya Morena?

- Gantsi re rapela Thapelo ya Morena mmogo re le phuthego – ke tsela ya go supa botsalano jwa rona mmogo le Modimo.
- Thapelo e e na le tsotlhe tse di botlhokwa mo thapelong: Go rorisa (Re galaletsa re ba re rorisa Modimo wa rona), dikopo tse di farologanyeng (Se re se kopang mo Modimong), E supa keletso ya rona ya go letlana le Modimo, Tshepho ya rona mo Modimong.
- Re rapela Thapelo ya Morena go ipaakanyetsa boitshwarelo jwa dibe le go intlafatsa.

Thapelo ya Morena e raya eng – re rapela re reng mo go yone?

Rraarona: Re ban aba Modimo mme ebile re ka mmitsa Rraarona. Re ka tla mo go ene ka matshwenyego a rona otlhe

Yo o kwa Legodimong: Modimo o mogolo go tsotlhe tse di mo lefatsheng. Gape o gaufi le rona batho mo lefatsheng. Ke mothati otlhe – O na le thata le thotloetso e kgolo.

Leina la gago a le itshephisiwe: Modimo o boitshepho, re isa tlotlo le kgalaletso go Modimo. Re lebelela ko go ene. Re batla go mo ikobela le go tshela ka fa go rateng ga gagwe. Ga re bate go dirisa leina la gagwe botlhaswa.

Bogosi jwa gago a botle: Bogosi jwa Modimo bo tlike mo go rona ka Keresete. Re batla setshwano sa ga Keresete go nna mo go rona le mo phuthegong. Bogolo go moo, Re batla Modimo a re supegetsa bogosi jwa gagwe ka go tla gape ga ga Keresete. Re batla Keresete go itseela monyadi wa gagwe wa phuthego.



Thapelo ya Morena e a tswela

Gorata ga gago a go dirwe mo lefatsheng jaaka kwa legodimong: Modimo o a busa ko legodimong ka fa go rateng ga gagwe. Mo lefatshing re batla go dira Gorata ga gagwe.

Re neele gompiano sejo sa rona sa letsatsi: Sejo sa letsatsi ke sekao sa sengwe le sengwe se re se tlhokang go tshela, gape lefoko la Modimo (Sejo sa mowa)

Mme o re itshwarele melato ya rona, Jaaka re itshwarela ba ba molato le rona: re amogela gore re baleofi mme re kopa maitshwarelo. Modimo o mautlwelobotlhoko mme o a re itshwarela. Ka gore o mautlwelobotlhoko mme o a re itshwarela, O batla gore le rona re dire jalo. Ka jalo, Modimo o tla re itshwarela fa le rona re itshwarela ba bangwe.

Mme o seka wa re isa mo tlhaelong, mme o re golole mo go yo bosula: Re kopa thuso ya Modimo gore re ikgaphe mo sebeng, Gape re kopa Modimo go re babalela mo dikgwetlhong le go re golola, go re golola mo go yo bosula.

Gonne bogosi ke jwa gago, le thata, le kgalalelo, ka bosena bokhutlo: Re galaletsa Modimo ka thata le kgalalelo ya gagwe. Bogosi ke sekao sa lenaneo la Modimo la poloko le gore re eletsa go nna karolo ya lone, go ya go ikutlwela kgalalelo ya Modimo ka bosena bokhutlo.

Amen: e raya gore “A go nne jalo”, re rurifatsa tsotlhe tse re di rapetseng mo thapelong e.

Thuto e e raya eng mo go rona tsatsi jeno?

- Re ithutile tlhaloso ya karolo nngwe le nngwe ya thapelo ya Morena.
- Jaanong re tlhologanya botoka bokao jwa thapelo ya Morena.
- Re ithutile gore re rapela thapelo e morago ga boitshwarelo jwa dibe nako tsotlhe mo tirelong le nako e re ikutlwang gore re ka e rapela.
- Re ithutile gore ke ka go reng re rapela thapelo ya Morena. Thapelo e e na le sengwe le sengwe se Morena Jeso a se re rutileng go rapela ka sone







Dipotso dingwe tse re ka di botsang:

1. O itse dithapelo di fe?

Karabo: *Thapelo ya mo mosong, thapelo ya maitseboa, Tshegofatso (ka nako ya dijo), Thapelo ya ba lelwapa, thapelo pele ga tirelo, thapelo ya Morena.*

2. Re rapela leng?

Karabo: *Nako nngwe le nngwe:*

- *Fa re tsoga,*
- *Pele re robala,*
- *Pele re ja,*
- *Morago ga boitshwarelo jwa dibe mo kerekeng,*
- *Pele ga tirelo,*
- *Fa re batla go leboga,*
- *Fa re tlhoka Modimo,*
- *Fa mongwe a re kopa go mo rapelela,*
- *Fa re bona gore mongwe o tlhoka merapelo.*
- *Botshelo jwa rona jwa thapelo ga bo a tshwanela go kgoreletswa ke dingwao.*

3. Ka go reng re rapela?

Karabo: *go aga botsalano le Modimo, go itsise Modimo ka dikakanyo tsa rona – malebogo a rona, go rapedisa ba bangwe, go rorisa le go baka Modimo*

Thapelo ya ga mme le rre go e rapela pele ga thuto:

Modimo o rategang, ke lebogela letsasti le

Segofatsa batsadi le bana botlhe

Mma re ikutlwele boleng teng jwa gago

Segofatsa thuto e re yang go e amogela

Re kopa o re rute go go direla

Re thuse go dira thato ya gago

Gore re golele gaufi le wena

Romela Jeso go tla go re tsaya

Mme re bo re ipaakanyeditse go mo kgatlhantsha

Amen